

վիճակաւոր Առաջնորդս զկանոնական բանս 6 գլխոց 'ի զգուշութիւն նոցին և 'ի բարեկարգութիւն եկեղեցւոյ, որք համառօտին այսպէս :

1°. Ժառանգաւորք եկեղեցւոյ առանց ստոյգ վկայական գրոց՝ մի ընկալցին 'ի կարգս եկեղեցականաց ուր և իցէ :

2°. Եպիսկոպոսունք ձեռնադրեսցեն միայն զնուիրեալս 'ի վիճակէ իւրեանց, և զեկեալսն յարտաքուստ մի ձեռնադրեսցեն առանց մահսերական գրոց :

3°. Առաւել քան զբաւականն եկեղեցեաց մի ձեռնադրեսցեն զոք 'ի Քահանայ՝ զի մի 'ի պատճառս չահու թափառեսցին այսր անգր իբրեւ մութացիկ 'ի նախատինս Սուրբ Կարգին :

4°. Մի ձեռնադրեսցեն զիւսակրօն Սարկաւազ կամ Աբեղայ՝ զորս ոչ կարեն չահել և պահել առ իւրեանս :

5°. Առանց ստոյգ քննութեան և վկայականի մի տացեն պատկել զպանդուխտս :

6°. Յամենայն տեղիս 'ի վիճակի իւրեանց փոյթ կալցին հաստատել դպրոցս 'ի կրթութիւն մանկանց եկեղեցւոյ, (1824. 'ի 10 Յուլիսի) :

Մարկոս վարդապետ Նուիրակ Աթտէրխանու՝ առաքեաց 'ի Կոստանդինուպօլիս արկղս 10, յորս էին 3 մեծ ջահ : 6 մեծ աշտանակ . 8 մեծ կանթեղ . 200 փոքր, և այլ աշտանակք եւ սպասք եկեղեցւոյ, ամենեքեան պղնձեաց և արծաթազօծ, և 230 բիւրեղ կանթեղ, զորս պատուիրէր փութով հասուցանել յերուսաղէմ . սակայն ամենեքեան այրեցան 'ի մեծի հրդէհին 'ի Կոստանդինուպօլիս : Հաշտութիւն Օսմանցւոց ընդ Ռուսաց :

Քաղաքապետն Երուսաղէմի Իսմայիլ Պէյ՝ հրամանաւ Կոստակալին Դամասկոսի առնոյր չորիցս 'ի տարւոջ յերկոց վանաց 1500 դահեկան իբր գին ծխախոտի . Հայք յեցեալ 'ի զօրութիւն հրովարտակին ոչ ետուն՝ կրեալ նախատինս և արհամարհանս : Քաղաքապետն առաքեաց զինեալ զօրականս, պատուիրեալ նոցա չելանել 'ի վանաց մինչեւ առցին զգրամն . այլ զօրութեամբ հրովարտակին և 'ի ձեռն նախալին հազիւ կարացին զերծանիլ 'ի տրոց անտի եւ ետուն ջնջել զայն 'ի տուժարէն, զի և մի այլ եւս պահան-